

Naalakkersuisut matumuuna Inatsisartut Suleriaasianni § 33 naapertorlugu aalajangiiffigisassatut siunnersuut una saqqummiuppaat:

**Uunga siunnersuut: Ukiumoortumik naatsorsuusiortarnermut inatsisip allanngortinneqarneranik inatsisini assigiinngitsuni aalajangersakkat aalajangersimasut atuutilernissaat pillugu Kalaallit Nunaannut peqqussummut Namminersorlutik Oqartussat oqaaseqaatissaat pillugu Inatsisartut aalajangiiffigisassaattut siunnersuut** (Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)

### **Tungavilersuut**

Aalajangiiffigisassatut siunnersuut Kalaallit Nunaanni inuussutissarsiornermi ineriartortitsinerup niuernikkullu aningaasaliisarnernik siuarsaanissamut siunnersuutini saqqummiussisussatut 2013-imi pilersitatut danskit-kalaallit suleqatigiissitaliaannit inassutigisanik malitseqartitsineruvoq. Suleqatigiissitaq februar 2015-imi nalunaarusiorpoq.

Nalunaarusiami ilaatigut suliassa qarfinni pingaarutilinni arlalinni suli danskit oqartussaaffigisaanni aamma suli annertuumik EU-mit inatsisiliaasunit aallaaveqartuusumi inuussutissarsiornermut inatsisaasunik nutarteriuartoqarnissaanik pisariaqartitsinermik tikkuaasoqarpoq. Inuussutissarsiornermik, ingerlatseqatigiiffeqarnerup naatsorsuuserisarnerrullu iluini naalagaaffeqatigiinneq akimorlugu malittarisassiat assigiit danskit, nunat allamiut kalaallillu suliffeqarfiinut aqutsinikkut oqilisaataasinnaapput. Kalaallit Nunaata nunanit allamiunik aningaasaliisartunik suliffeqarfinnillu aggersaasinnaanissaa sianigalugu Kalaallit Nunaanni inuussutissarsiornermik inatsiserisat ullutsinnut naleqquttunik tamanillu takussutissiisut pingaarutilerujussuusut suleqatigiissitat aamma isumaqarfigaat.

Inatsisini assigiinngitsuni aalajangersakkanik atortuulersitsineq ukiumoortumik naatsorsuusiortarnermut inatsimmi inuussutissarsiornermi inatsisinik malinnaatitsinerup tamarmiusup ilagiinnarpaa. Ukiumoortumik naatsorsuusiortarnermut inatsisip saniatigut atortuulersitsinermi ilaapput aktiaatinut aamma piginneqatigiissutinut inatsit aamma aningaasaateqarfiit inuussutissarsiornermik siunertaqartut pillugit inatsit, naatsorsuuserinermut inatsit aamma kukkunersiuisut naalagaaffimmit akuerisaasut kiisalu kukkunersiuisut nalunaarsukkat pillugit inatsit.

Inuussutissarsiornermi inatsisinik ataatsimoortumik nutarteraluni malinnaatitsinermi alloriarnertut siullertut Inatsisartut UPA 2016-imi akuersissutigaa aalajangiiffigisassatut siunnersuut Ingerlatseqatigiiffiit pillugit inatsimmut aamma aningaasaateqarfinnut

inuussutissarsiornermik siunertaqartunut inatsisit.

Alloriarneq tulleg malinnaatitsinermi tassaavoq naatsorsuuserinermit inatsimmik aamma ukiumoortumik naatsorsuusiortarnermit inatsimmik kiisalu CVR-imik atuinermit inatsimmik nutarterinerit. Siunnersuullu taamaasilluni inuussutissarsiornermit inatsisinik nutarterinerup ilagivaa.

### **Tunuliaqutaasut**

Kunnigip peqqusineratigut peqqussutissamut missingersuusiaq nassiunneqartoq aqutigalugu siunnerfiuvoq Kalaallit Nunaanni ukiumoortumik naatsorsuusiortarnermit inatsisip nutarterneqarnissaa.

Ukiumoortumik naatsorsuusiortarnermit inatsit Kalaallit Nunaanni atortuulersinneqarni-kuuvoq Kunnigip peqqussutaatigut nr. 625, 23. juni 2008-meersukkut, ukiumoortumik naatsorsuusiortarnermit inatsimmik atortuulersitsinikkut. Peqqussut tamatuma kingornatigut allanngortinneqarpoq § 7-ip inatsimmi nr. 1287, ulloq 19. december 2012-imi allanngortinneratigut aningaasarsiornikkut ingerlatsisarneq pillugu, inatsit pappialanik aningaasanik nalilinnik niueruteqartarneq il.il. aqutigalugit, kiffartuussiviit akiliutinik aningaasanillu elektroniskiusunik isumaginnittartut aqutigalugit aamma inatsisit assigiinngitsut ( paasissutissanik unnerluussisussatut oqartussaasunut ingerlatitseqqittarnerit aamma politiinut, Aaqqissuussamik Nalorninartunut Siunnersuisoqatigiit, Det finansielle Virksomhedsråd-ip aamma Fondsraad-ip kattunneqarneri, shortselling, akiliisinnaassuseqarnermit piumasaqaatinut tunngatillugu nutaamik isiginnilerneq aamma ernianik ”referencerente-nik” taaneqartunik nakkutilliineq il.il.).

### **Imai**

Kunnigip peqqussutissaatut missingersuummut nassiunneqartumut tunngatillugu siunertaavoq ukiumoortumik naatsorsuusiortarnermit inatsisip atuuttup nutarterneqarnissaa, taamaasilluni ukiumoortumik naatsorsuusiortarnermit inatsimmi allannguutit tamakkiisumik ilaannakuusumilluunniit peqqussummi atuuttumi iluarsineqassallutik, allannguutit kalaallini pissutsinut naapertuuttut tunngavigalugit:

□ Inatsit nr. 108, 7. februar 2007-imeersoq, pappiaqqanik aningaasanik nalilinnik niuernermit il.il. tunngatillugu, aningaasarsiornermik ingerlatsineq pillugu inatsit, ingerlatseqatigiiffiit pillugit inatsit, ukiumoortumik naatsorsuusiortarnermit inatsit, iluanaarutininik malunnarunnaarsaasarnep pinaveersaartinnissaa pillugu aamma pinerluttut – terroristit – aningaasalersorneqartarnerat pillugu inatsit, sulitilluni ajoqusersimasunut aningaasaliinissamut qularnaveeqqusiisarnermut aningaasaateqarfiit pillugit inatsit, sillimmasiisarnernik akunnermiliuttut isumaginnittarnerat pillugu inatsit inatsisillu assigiinngitsut allat (peqqussut aningaasanik niuerfinni sakkussat pillugit) (MiFID-direktivet)

aamma pissutsit akimut ersittuunissaannut peqqussut, aningaasanik nuussinerni paasissutissiisussaanermut piomasaaqatit, ajoqusersimanermut qularnaveeqqusiisarnermut aningaasaateqarfimmut akiliutissanik akiliisarneq, sillimmasiinermik ingerlatsisartut agentit nalunaarsorneqartarneri il.il.)

□ Inatsit nr. 468, ulloq 17. juni 2008-meersaq kukkunersiuisut akuerisat aamma kukkunersiuinermi suliffeqarfiit ingerlatsisut (kukkunersiuisarnermut inatsit).

□ Inatsit nr. 516, ulloq 17. juni 2008-meersaq ukiumoortumik naatsorsuusiortarnermut inatsisip allangortinneqarnera pillugu (Naatsorsuutit qanoq annertussuseqarneri pillugit killiliussap qaffanneqarnera aamma kukkunersiuisup pisussaaffiinik allannguneq pisortasut nalunaarutissaannut atatillugu il.il.).

□ Inatsit nr. 1403, ulloq 27. december 2008-meersaq ukiumoortumik naatsorsuusiortarnermut inatsisip allannguutai pillugit (Suliffeqarfinni anginerni inuiaqatigiinnut akisussaaffiit nassuiarneqarneri pillugit)

□ Inatsit nr. 516, ulloq 12. juni 2009-imeersaq ukiumoortumik naatsorsuusiortarnermut inatsisip allannguutai pillugit, aningaasanik niuerneramik ingerlatsineq pillugu aamma inatsisip assigiinngitsut allat (Ingerlatseqatigiiffinnut inatsimmi allannguutit kingunerinik).

□ Inatsit nr. 720, ulloq 25. juni 2010-meersaq ukiumoortumik naatsorsuusiortarnermut inatsimmi aamma ingerlatseqatigiiffinnut inatsimmi allannguutit pillugit (Kukkunersiuisut pisussaaffiisa sakkukillineqarneri).

□ Inatsit nr. 341, ulloq 27. april 2011-imeersaq, ukiumoortumik naatsorsuusiortarnermut inatsisip allannguutai aamma inatsisini assigiinngitsuni allannguutit (Tamanut atuuttumik suliffeqarfiit pisortallu akornanni digital-iusumik attaveqarnissaq, Nutarterinissanut aningaasaateqarfiup qularnaveeqqusiisarnernanik aaqqissuussinermi il.il. akileraartussaajunnaarsitaaneq il.il.).

□ Inatsit nr. 477, ulloq 30. maj 2012-imeersaq ingerlatseqatigiiffinnut inatsimmik allannguneq, ukiumoortumik naatsorsuusiortarnermut inatsimmik aamma pappialanik aningaasanik nalilinnik niueruteqartarnermik il.il. inatsit (Aktiaatit pillugit pisortat paasissutissanik pissarsisinnaanerannik annertunerulersitsineq aamma suliffeqarfiit ilaannit naatsorsuutinik nakkutilliinermut akiliuteqartarnerup allannguutai).

□ Inatsit nr. 1231, ulloq 18. december 2012-imeersaq inatsisini assigiinngitsuni aalajangersakkanik allanngunerit digital-iusumik attaveqartussaataalerneq pillugu il.il.

(Pisussaaffigalugu attaveqartarnerit digital-iusumik ingerlattussaanerit aamma naleqqussaanerit il.il.).

□ Inatsit nr. 1232, ulloq 18. december 2012-imeersaq ukiumoortumik naatsorsuusiortarnermut inatsimmik aamma kukkunersiuinermut inatsimmik allanngineq pillugu (Kukkunersiuinissamat pisussaaffiup pisariinnerulersinnera aamma kukkunersiuisunik pisortat nakkutilliinerisa il.il. nukittorsarneqarnera).

□ Inatsit nr. 1383, ulloq 23. december 2012-imeersaq ingerlatseqatigiiffiit pillugit inatsimmik inatsisinillu allanik allanngineq pillugu (kisitsisinut anguniagassanut malittarisassanik pilersitsineq aamma suaassutsit qanoq katitigaanissaat pillugu politikkit pisortaasunut qullernut atatillugu, tamatumunngalu nalunaarusiortarneq pillugu).

□ Inatsit nr. 616 ulloq 12. juni 2013-imeersaq ingerlatseqatigiiffiit pillugit inatsimmik allanngineq pillugu, inuussutissarsiornermik ingerlatsisut suliffeqarfiit aalajangersimasut pillugit inatsit, ukiumoortumik naatsorsuusiortarnermut inatsit aamma Suliffeqarfinnik Qitiusumik nalunaarsuisarneq - Det Centrale Virksomhedsregister – pillugu inatsit (Aallarnisaasut ingerlatseqatigiiffiannik pilersitsisarneq, piginneqatigiiffiit aningaasat aallarniutissaat pillugit piumasaqaatinik annikillisitsineq, killeqartumik akisussaaffeqartunik ingerlatseqatigiiffinnik nutaanik pilersitsisinnaanermut periarfissamik atorunnaarsitsineq, suliffeqarfinnut inuussutissarsiornermik ingerlatsisunut aalajangersimasunut il.il. tunngatillugu).

□ Inatsit nr. 634, ulloq 12. juni 2013-imeersaq pinerluuteqarsimasunik pineqaatissiisarnermut, eqqartuussisarnermut, aamma inatsisini assigiinngitsuni aalajangersakkanik allanngineq pillugu (aningaasarsiornikkut pinerluuteqartartunut suliniutinik nukittorsaaneq).

□ Inatsit nr. 1367, ulloq 10. december 2013-imeersaq, ukiumoortumik naatsorsuusiortarnermut inatsit, ingerlatseqatigiiffinnut aamma inatsit assigiinngitsut pillugit allannginerit (Ukiumoortumik nalunaarutit tuluttuut aamma inuiaqatigiinnut akisussaaffiit pillugit nassuiaasiat).

□ Inatsit nr. 268 ulloq 25. marts 2014-imeersaq aningaasarsiornermik ingerlatsineq pillugu inatsinillu assigiinngitsut allat allanngortinneqarneri pillugit (Akiligassarsisarnermut instituti aamma aningaasaliissutissanut piumasaqaatit atortuulersinneqarneri (CRD IV) aamma peqqussutit taakkununnga atasut allannguutaat (CRR) kiisalu SIFI’-it il.il. pillugit inatsisit).

□ Inatsit nr. 712 ulloq 25. juni 2014-imeersaq aningaasaateqarfiit inuussutissarsiornermik ingerlatsisut pillugit.

□ Inatsit nr. 738 ulloq 1. juni 2015-imeersoq ukiumoortumik naatsorsuusiortarnermut inatsit inatsisillu assigiinngitsut allanngortinneqarneri pillugit (allaffissornikkut pisussaaffinnik annikilliliineq, nunarsuarmit naatsorsuusiortarnermi aalajangersagaannut naleqqussarneq, naatsorsuusiortarnermut peqqussummik nutaamik pilersitsineq aamma pisut akimut ersittuunissaannut peqqussut il.il.).

Ukiumoortumik naatsorsuusiortarnermut inatsimmi allannguutit pingaarnerusut maanna malittarisassaareersunut sanilliullugit tassaapput:

Suliffeqarfinnut mikisunut killiliussaasut qaffanneqarnerat (naatsorsuuserinermi klasse B) aamma suliffeqarfiit akunnattumik angissuseqartut naatsorsuuserinermi klasse C.

Suliffeqarfinnut mikisunut angissusissanut killiliussat imaalissapput:

Suliffeqarfinnut mikisunut angissusissatut killiliussat kingunerisaannik suliffeqarfiit ilaat naatsorsuuserinermi klasse C-miit naatsorsuuserinermi klasse B-mut nuussinnaalissapput, taamalu naatsorsuusiortarnermut piumasaqaatinut sakkukinnerusunut ilaatinneqalissallutik, naatsorsuusiortarnermi klasse B-miittunut.

Suliffeqarfinnut akunnattumik angissuseqartunut killiliussat qaffanneqarneri:

Suliffeqarfinnut akunnattumik angissusilinnut killiliussat qaffanneqarneri isumaqarput suliffeqarfiit ilaasa naatsorsuusiortarnerminni suliffeqarfinnut klasse C-miittunut piumasaqaataasut annertuut naammassisariaarutissagaat.

Suliffeqarfik mikisuunersoq, akunnattumik angissuseqarnersoq imaluunniit angisuujunersoq pillugu naatsorsuisarnermi periaatsit allanngortinneqarneri.

Koncern-it angissusissaannut killiliussat qaffanneqarnerat, koncern-inut koncern-itut naatsorsuusiornissamik pisussaatinneqanngitsunut (koncern-it mikisut) kiisalu naatsorsuisarnerup allannguutai.

Pigineqatigiiffinnut – andelsselskab-inut – mikisunut killeqartumik akisussaaffilinnut il.il. angissusissanut killiliussat qaffanneqarnerat, ukiumoortumik naatsorsuusiornissamut pisussaatinneqanngitsunut.

Kukkunersuisarnermut malittarisassat allannguutaat.

Kukkunersuiisoqannginnissamut angissusissamut killiliussanik qaffaaneq.

**Namminersorlutik Oqartussanut aningaasaqarnikkut kingunerisassai**

Naatsorsuutigineqanngilaq siunnersuutit aningaasaqarnikkut allaffissornikkullu

Namminersorlutik Oqartussanut kommuninullu kinguneqassasut.

### **Inuussutissarsiortunut aningaasarsiornikkut allaffissornikkullu kingunerisassai il.il.**

Inatsisini assigiinngitsuni aalajangersakkanik atortuulersitsinissamut peqqussut Kalaallit Nunaannut atuuttoq ukiumoortumik naatsorsuusiortarnermut inatsimmik allanngineq pillugu allaffissornikkut pingaarutilitsigut oqilisaassissaaq inuussutissarsiortunut, avataaniillu aningaasaliisussarsiortarnermik oqinnerulersitsissalluni.

### **Tusarniaaneq**

Siunnersuut ulloq 22. juni suleqatigisanut assigiinngitsunut tusarniaassutigalugu nassiunneqarpoq. Siunertaasoq tassaasimavoq suleqatigisartakkat sapinngisamik siusissumik siunnersuummut isummernissaannut periarfissaqartinnissaat. Siunnersuut nassiunneqarpoq Aningaasaqarnermut Naalakkersuisoqarfimmut / Akileraartarnermut Aqutsisoqarfimmut, Aatsitassanut Ikummatissanullu Naalakkersuisoqarfimmut, Kalaallit Nunaanni Sulisitsisunut, NUSUKA-mut, Royal Arctic Line A/S-imut, Brugsen-imut, PISIFIK A/S-imut, TelePost-imut, GrønlandsBanken-imut, Polar Seafood A/S-imut, Royal Greenland A/S-imut, KNI A/S-imut, Eqqartuussissuserisunut Kalaallinut, Greenland Business/Venture-imut, Deloitte Grønland-imut, BDO-mut, EY Nuuk-mut, Grønlands Revisionskontor-imut, A-Revision-imut aamma BankNordik-mut.

Siunnersuullu aamma tusarniaasarnermut quppersakkami 11. juli-imiit 1. august 2016-imut inissisimasimavoq.

Ukunanga tusarniaanermi akissutinik tigusaqartoqarpoq: Greenland Business/Venture, GrønlandsBanken, CSR Greenland, Transparency International Nuuk, Deloitte Nuuk, Kalaallit Nunaanni Sulisitsisut, Aatsitassanut Ikummatissanullu Naalakkersuisoqarfik aamma Akileraartarnermut Aqutsisoqarfik / Aningaasaqarnermut Naalakkersuisoqarfik. Tusarniaanermi akissuteqartut tamarmik siunnersuummik ilassinnilluarput.

### **Inassuteqaat**

Naalakkersuisut inassutigissavaat Namminersorlutik Oqartussat Kalaallit Nunaannut peqqussutissap atortuulersinneqarnissaa akuerissagaat, inatsisini assigiinngitsuni aalajangersakkat ukiumoortumik naatsorsuusiortarnermut inatsisip allannguutaasa kingunerisaat atortuulersinneqarnissaat pillugit.